

21. december 2017

**Inuiaqatigiinni torersuunerup inuillu ataasiakkaat illersorneqarnissaannik inuiaqatigiillu isumannaatsuunissaannik il.il. politiit isumannaarinninnerat, kiisalu politiit pineqaatissiigallarsinnaanerannik Avannaata Kommunanut ileqqoreqqusaq**

**Kapitali 1**

*Politiinut ileqqoreqqusap atuuffissaa il. il.*

§ 1. Ileqqoreqqusaq una Avannaata Kommunanut atuuppoq.

§ 2. Allatut allassimasoqartinnagu, ileqqoreqqusaq una innuttaasut aqqusinerni imaluunniit sumiiffinni allani nalinginnaasumik angallaffigineqarsinnaasunut atuuppoq. Taamaalilluni nalunaarut assersuutigalugu innuttaasut sumiiffinni angallaffianni, perusersartarfinni, angallassissutini, tama-tumunnga ilanngullugit taxani, nuannaarniartarfinni kiisalu pisiniarfinni, pisiniarfeqarfinni pisor-tallu allaffeqarfiini atuuppoq.

*Imm. 2.* Nalunaarummi matumani aqqusineq paasineqassaaq pisortat imaluunniit inuit namminneq pigisaat aqqusernit, cykkilertunut aqqutit, pisuinnarnut aqqusernit, illoqannginnersat, ikaartarfiit, sulluliat, aqqutissiat, aqqusininnugit assigisaalluunniit, angallassissutinit assigiinngitsunit nalinginnaasumik angallavigineqartut.

*Imm. 3.* Ileqqoreqqusami matumani sanaartorfinnik paasineqassaaq sumiiffiit ukua:

- a. Illoqarfik Ilulissat aamma nunaqarfiit Ilimanaq, Qeqertaq, Saqqaq aamma Oqaatsut.
- b. Illoqarfik Uummannaq aamma nunaqarfiit Niaqornat, Qaarsut, Ikerasak, Saattut, Ukkusissat, Illorsuit aamma Nugaatsiaq.
- c. Illoqarfik Upernavik aamma nunaqarfiit Aappilattoq, Innaarsuit, Kangersuatsiaq, Kullorsuaq, Naajaat, Nutaarmiut, Nuussuaq, Tasiusaq aamma Upernavik Kujalleq.
- d. Illoqarfik Qaanaaq aamma nunaqarfiit Savissivik, Moriusaq, Siorapaluk aamma Qeqertat.

**Kapitali 2**

*Inuiaqatigiinni torersuunerup il. il. isumannaarneqarnera*

§ 3. Paannerit, nillianerit, suaartaannerit allatulluunniit nipiliorluni, persuttaalluni ajuallatsitsil-luni assigisaanilluunniit iliuuseqarnerit, inuiaqatigiinni torersuunermik ajoqusersuinerit, inerteqqu-taapput.

*Imm. 2.* Kanngunartuliorneq allatulluunniit mamianartuliorneq, allanut ajortuliornerit inuiaqatigiinnulluunniit mamiatsatsitsinerit inerteqquataapput.

*Imm. 3.* Allanut ajoqutaasinnaasunik aalakoornartutorsimalluni, allatulluunniit aalakoorniutorsi-malluni aanngajaarnartutorsimalluniluunniit angallanneq inerteqquataavoq.

*Imm. 4.* Imm. 1 aamma 2-mi taaneqartut iliuutsit, nalinginnaasumik iserfigeqqusaanngitsuni iliuuserineqarpata, inuiaqatigiillu torersuunerannut akornutaappata, unitsinneqarnissaat politiiit naalakkiutigisinnaavaat.

**§ 4** Katersuunnerit, inuiaqatigiit torersuunerannut akornusersuutaasinnaasut, inerteqqutaapput.  
*Imm. 2.* Inuiaqatigiit taamatut akornusersoqarnerat pinaveersaartinniarlugu piumasaaqatigineqartunik inerteqqutinik politiiit kinaluunniit nalunaarfigisinnaavaat.

**§ 5** Aqqusinerni ingerlaaqatigiinnerit katersuunnerillu nammineerluni politiiinut saaffiginninnikut nalunaarutigineqassapput kingusinnerpaamik ingerlanneqannginneranni akunnerit 24-t sioqqullugit. Nalunaarutiginnineq aaqqissuisumit taassumunngaluunniit sinniisumit nalunaarutigineqassaaq imarissavaalu katersuunnerup ingerlaaqatigiinnerulluunniit siunertaa, piffissaq, naapiffissaq aamma angallavissaq kiisalu peqataasussat amerlassusissaat.

*Imm. 2.* Imm. 1-imi aalajangersagaq ilisiartortunut atuutinngilaq.

**§ 6** Sumiiffimmi aalajangersimasumi uninngaqqunagu imaluunniit aqutissani naatsuni uteqqataaqqunagu kinaluunniit politiiit naalakkersinnaavaat, pineqartup uninnganera uteqattarneraluunniit eqqaani najugalinnut eqqaquttunulluunniit akornutaappat imaluunniit pineqartoq tamaani pillaaasinnaasumik iliuuseqartutut peqquteqartumik pasitsanneqarpat.

*Imm. 2.* § 3-mi aalajangersakkamik inuk arlaleriarluni unioqquitsisimappat, kingullermik unioqquitsiffiusumi piffimmi ungasissutsimi aalajangersimasumi politiiit taaneqartumi pineqartoq uteqattaqqunagu uninngaqqunaguluunniit politiiit inerteqqummik nalunaarfigisinnaavaat. Inerteqquteqartitsinissamut piumasaaqataavoq, peqquteqartumik isumaqartoqarpat, inerteqqummi ilaatinneqartuni sumiiffimmi pineqartoq kukkuluttoqqissasoq.

*Imm. 3.* Imm. 2-mi aalajangersagaq, aqqusinernut tunngatillugu, taamatutaaq atuutissaaq, imm. 1-imi akulikitsumik arlaleriarluni atuutsitsiffiusumut eqqarsaatigalugu.

*Imm. 4.* Imm. 2 aamma imm. 3 malillugit inerteqquteqarneq allaganngorlugu nalunaarutigineqassaaq tunngavilersugaassallunilu. Inerteqqummut piffissaliussisoqassaaq, ukiunilli marlunnik sivisunerusinnaangilaq.

**§ 7** Susassaqqanngitsut tummeqqani, isaarissani illunulluunniit majuartarfiini, naqqup ataani allaniluunniit, illuni inoqqanngitsuni inissianiluunniit, quini, sanaartorfinni, angallassitutini assigisaan-niluunniit uninngaqqusaanngillat.

*Imm. 2.* Peqquteqavinnani matukkut igalaakkulluarmiit kasuttorneq, matup siarnatigut sianerneq assigisaannilluunniit iliuuseqarnerit, najugaqartunik akornusersuutaasinnaasut inerteqqutaapput.

**§ 8** .Højtalerinik, nipilersuutinik, nipilersornermi atortunik atuneq politiiit inerteqqutigitissinnaavaat, atuneq eqqaani najugalinnut eqqaquttunulluunniit annertuumik akornutaasutut isumaqarfiginarpata.

*Imm. 2.* Aqqusinerni tuniniakkat suaartaatigineqamerat nal. 7 siorna aamma nal. 18 kingorna inerteqqutaavoq, aamma napparsimmavinnut, atuarfinnut assigisaannulluunniit akornutaassanngillat.

**§ 9.** Allagartarsuarnik saqqummersitanilluunniit nivinngaassuineq agguaassinerluunniit, allagaatinik assinilluunniit tuniniaaneq agguaassinerluunniit inerteqqutaavoq, tamanna inuiaqatigiit torersuunerannut akornutaappat imaluunniit allagartarsuit, allagaatit, assilluunniit mamiatsannartuuppata.

*Imm. 2.* Erseqqissumik tamakkuninnga inniminniisimasunit najugagartuniit, allanut allagaatinik assinillu, mamiatsannartunik imaqartunik tunniussineq inerteqqutaavoq, imarisai allanut akornutaappata imaluunniit inuiaqatigiinnut mamiatsannarpata.

*Imm. 3.* Eqqaquttunut inuussutissarsiornermi soqutigisanik ussassaarutitik tunniussuineq inerteqqutaavoq.

**§ 10.** Meeraaqqat angajoqqaanit allanilluunniit nakkutigisassaasut, aqqusinerni uninngatillugit pisariaqartumik nakkutigineqassapput.

**§ 11.** Aqqusinerni angalatilluni angallassissutinut sikkilinulluunniit motorilinnut qimmit pitussimaneqassanngillat.

**§ 12.** Aallaasinik, pisissinik, illusaatinik assigisaanilluunniit atuineq, ikumatitamik ikitsineq, ujaqqanik, apummik, imermik allanilluunniit milloorneq inerteqqutaavoq, tamakku eqqaquttunut navianartorsiortitsippata akornutaappataluunniit.

*Imm. 2.* Sanaartorfiusuni, 500 miiterinik ungasissusillip iluani, qoorortuunik, timmiarsiutitik, luftbøssinik aallaasinilluunniit allanik aallaariarneq inerteqqutaavoq.

*Imm. 3.* Sanaartorfiusut avataanni aqqusinerni, sanaartukkani, eqqaavinni il. il. taakkununga imm. 1-imi taaneqartuni aallaasinik aallaariarneq aammattaaq inerteqqutaavoq.

*Imm. 4.* Imm. 2 aamma 3-mi taaneqartuni nunatanut aallaasinik eqqussinnginnermi, aallaasit imaarneqassapput. Nunatat taaneqartut iluanni aallaasinik imalinnik nassataqarluni angalaneq inerteqqutaavoq.

*Imm. 5.* Sanaartorfiusut iluanni, imm. 2-mi aalajangersagaq apeqqutaatinnagu, politiit akuerisaanni immikkut ittuni nunatani unammilluni ooqattaasartoqarsinnaavoq.

**§13.** Suliaqartoqarpat, eqqaquttunut navianartorsiortitsisinnaasunik akornutaasunilluunniit, assersuutigalugu illumik iluarsaassinermut aserfallatsaaliuinemulluunniit atatillugu, eqqaquttunut kalerrisaarutitut illersuutaasinnaasunik ungalulersuisoqassaaq. Ikkat pequtilluunniit qalipaqqamersut panernissaasa tungaanut, eqqaquttut, ikkat pequtilluunniit qalippammersimaneritik erseqqissumik mianersoqquneqassapput.

*Imm. 2.* Illumi qaliat qalliutaat, aputit, kusukkat assigisaalluunniit nakkakaanissaannut aarlerinartoqarpat, piginnittup eqqaquttut illersuutaasinnaasunik ungalulersuinikkut ingerlaannaq mianersoqqussavai piaartumillu isumagissallugu pisariaqartumik iluarsaassisoqarnissaa imaluunniit apummik kusukkanilluunniit il.il. piiaasoqarnissaa.

*Imm. 3.* Eqqaquttunut navianartorsiortitsinermik akornutaanermilluurmiit kinguneqartumik illuutini pequtit uppissinnaanngorlugit nakkarsinnaanngorlugilluunniit inissinneqassanngillat atoneqaratilluunniit. Igalaat illersuutaasinnaasumik qajannaarsorneqassapput.

*Imm. 4.* Eqqaquttunut navianartorsiortitsisinnaasut politiit aammattaaq inertequtigitissinnaavaat.

§ 14. Kommunalbestyrelsi isumaqatigiinniarfigereerlugu politiit allagartaliinikkut assigisaaniluunniit erseqqissumik tatsini nalunnguarneq, tamatumunnga ilanngullugu, sumiiffinni erseqqinnerusumik taaneqartuni nalunnguarnerup angalanerullu inerteqqutaanerat pillugit aalajangersagaliorsinnaapput.

*Imm. 2.* Imm. 1-imi taaneqartutut politiit aammattaaq pujortuleeqqat, vandscooterit assigisaallu atorlugit, erseqqinnerusumik taaneqartumi sinerissamiit ungasissuseqartumi angalaneq pillugu aalajangersaasinnaapput, tamanna angallannernut allanut akornutinik imaluunniit pisariaqanngitsumik nipiliornerit, allanut akornutaasinnaasut pinaveersaartinniarlugit, piunasaqaatigineqartutut isumaqarfiginarpat.

*Imm. 3.* Imm. 1-imi taaneqartutut politiit najukkani tatsini aalisarneq angallanerlu pillugit aammattaaq aalajangersagaliorsinnaapput.

§ 15. Politiit oqartussaasorluunniit, tamatumunnga politiit piginnaatitaat, allagarsiinikkut pisortatigoortumilluunniit nalunaarusiornikkut sinerissap avataani sikumi, umiarsualivinni, tatsini, kuunni imeqarfinnilu allani angallanneq pillugu inerteqquteqartitsisinnaapput.

*Imm. 2.* Sinerissap avataani sikumi putusisoqarpat, siku piarneqartoq putup eqqaanut inissinneqassaaq. Politiit piunasaqaatigisinnaavaat putut tamarmik illersuutaasinnaasumik ungalusimaneqassasut nalunaaqutsersorneqarlutilluunniit.

*Imm. 3.* Imm. 1-imi taaneqartuni allani politiit akuersissuteqaqqaartinnagit putuliortoqassanngilaq. Putut illersuutaasinnaasunik ungaluneqassapput nalunaaqutsersorneqarlutillu.

§ 16. Pisortat sanaartugaanni pulaartut torersuunissamik aalajangersakkat, allagarsiinikkut nalunaarutigineqartut, eqqortissavaat torersuunissallu eqqortinneqarnissaanut ilitersuutit, nakkutilliisunit tunniunneqartut, malissallugit. Taamatuttaaq atuupput torersuunissamik aalajangersakkat, allagarsiinikkut nalunaarutigineqartut, kommunalbestyrelsimit oqaaseqarfigineqareerlutik politimesterimit akuerineqartut, nunaminertat ersarinnerusumik killilersukkat namminermik pisortanilluunniit pigineqartut, aqqusinermi allaniluunniit naliginnaasumik tikinneqarsinnaasut, tak. § 12.

### **Kapitali 3**

#### *Pineqaatissiigallarnerit*

§ 17. Politiit naalakkiuteqarnikkut inerteqquteqartitsinikkulluunniit pineqaatissiigallarsinnaapput, inuiaqatigiinni torersuunerup inuit ataasiakkaat imaluunniit pisortat isumannaatsuunissaannut navianartorsiornerit pinaveersartinneqarnissaat pisariaqaraangat.

*Imm. 2.* Imm. 1 malillugu naalakkiuteqarneq inerteqquteqartitsinerluunniit politimesterimit imaluunniit taassumap tamatumunnga piginnaatitaanit aalajangerneqassaaq. Aalajangemeq pisortatigoortumik nalunaaruteqarnikkut nalunaarutigineqassaaq tunngavilersugaassallunilu aamma aalajangiussinermi atuuttoq sumiiffik piffissarlu taallugit.

*Imm. 3.* Piffissaq, aalajangiussinermi atuutinneqartoq, sapinngisamik sivikitsuussaaq qaammatillu pingasut sinnissanagit. Piffissaq sivitsorneqarsinnaavoq, taamaattorli sivisunerpaamik qaammatit pingasukkaarlugit. Sivitsuineq nutaamik aalajangiussinikkut ingerlanneqassaaq, tak. imm. 2.

## Kapitali 4

### *Pineqaatissiinerit*

§ 18 §§ 3-13 aamma § 15, imm. 2-mik unioqquitsineq, § 14 aamma § 15, imm. 1-imik aamma § 16 naapertorlugit malittarisassanik aalajangersakkanillu unioqquitsineq imaluunniit § 3, imm. 4, § 4, imm. 2, § 6, imm. 1 aamma 2, § 8, imm. 1, § 13, imm. 4 aamma § 17 naapertorlugit naalakkiutinik inerteqqutinilluunniit unioqquitsineq eqqortitsinngitsoornerlu pinerluttulerinermik inatsimmi aalajangersakkat naapertorlugit akiliisitsinermik arsaarinnissuteqarnermillu pineqaatissiisoqassaaq. *Imm. 2.* Aktieselskabinit, andelselskabinit assigisaaniilluunniit unioqquitsisoqarpat unioqquitsisut ingerlatseqatigiiffiit akliisussanngortinneqarsinnaapput arsaarinnittoqarsinnaallunilu.

## Kapitali 5

### *Atuutilerfissaa*

§ 19 Politiit ileqqoreqqusaat atuutilissaaq 1. januar 2018.

*Imm. 2.* Tamatuma peqatigisaanik Avannaata Kommuniani politiit ileqqoreqqusaat 8. december 2009-imeersoq atorunnaarsinneqarpoq.

Avannaata Kommunia, 18. december 2017



**Palle Jerimiassen**

Ikaarsaariarnermi Ataatsimiititaliap Siulittaasua / Borgmesteri

Qulaani pineqartoq ileqqoreqqusaq, inuiaqatigiinni torersuunerup inuillu ataasiakkaat illersorneqar-nissaannik inuiaqatigiillu isumannaatsuunissaannik il.il. politiit isumannaarinninnerat kiisalu politiit pineqaatissiigallarsinnaanerarmik Avannaata Kommunianut ileqqoreqqusaq matumuuna aalajanger-sameqarpoq.

Nuuk, 21. december 2017



**Mikaela Engell**